

僊居縣志卷之二

山川

僊僻處海輿車轍馬跡蔑如也其間雖有翠律之峯  
杳窈之洞白雲雞犬之境流水桃花之鄉別有天地  
非人間之區罕有過問者故卒沈寥勿之傳嗟乎僊  
之山川殆如才子美人之不遇知己悅已者縱倚馬  
傾城瞬則解而憐之邛近游屐頗稠名蠢々動矣然  
猶未也昔柳州扼海濱得羅侯諸小記千古艷之東  
風雁蕩先未有知者至宋祥符好事者披藁出之名  
流踵而題咏焉遂號宇內奇偉觀則爲勝地刷矚目  
僊居縣志

卷之二

山川

不無望于風雅君子云

山

巖

洞

嶺

石

蒼山縣東南四十里高一萬六千丈登之見東海  
以其色蒼々然接海故名舊稱括蒼又名天鼻  
巉岩四絕俯瞰諸山當日落雨餘則青紫列嶺  
不可名狀跼在舊四十五都有八面一向僊之  
凝真宮其七則天台臨海黃岩樂清永嘉縉雲  
東陽七縣界綿亘三百餘里殆吾台與金溫處  
四郡之岳云

石龕山縣東崑十五里有石室深廣可容千人俗



傳昔有神棲焉

漁潭山縣東南五里下瞰深潭每二三月桃花盛開巨魚如織

福應山縣東二里在東嶺山半縣治之龍首也亂松古柏浮屠亭榭爲一邑勝盡美亭文公祠亦在焉春間士女競拾翠于其巔

放光塔山縣北一里一名綵仞峯巒奇秀周顯德六年僧德韶剏浮屠于其上後徙于福應山宋孟大武詩云綵仞氣浮三塔聳浮磬聲振兩溪寒蓋以山爲浮磬形也

儒居縣志

卷之二

山川

二

南峯山縣南三里下瞰大溪其巔爲興道院與陳古靈祠圯久 國朝康熙五年僧寂用重建側爲桃花洞紺碧掩映擅山水之勝古有涵清亭藍光趨稼二軒又有採芝濟美二堂及蔣氏之鑑玉堂張氏之翠微閣郭氏之冲菴陳氏之碧西山房皆在焉今俱廢

龍王山縣南五里舊名獅子縣治之朝山也狀如伏尸昔人于縣治前建廟製穹橋直巷如弓矢以鎮之鎮山廟之名以此今廟與巷猶然橋則于明隆慶元年令黃護平之萬曆間立龍王廟



于上天中節每祈禱焉改名龍王山從邑人之  
所呼也浮石山在其下以從溪視之若浮者然  
旁有廟俗稱浮石三郎

安洲山縣東南五里舊名九旬山宋羅適作唐灌  
頂記云師卜安洲以波瀾四絕乃誓曰使地坦  
夷當就講焉未浹旬而沙湧地平朱文公熹題  
爲第一山明萬曆間令王明齋暨汪夢說建塔  
于上又名新塔山

紫籀山縣北三十里舊名竹山唐天寶間上夢紫  
衣人自稱竹山神獻瑞鳳翌日果徵詔其神爲

僊居縣志

卷之二

山川

三

瑞應侯改今名上有蘭若歷爲名僧所居 國  
朝初寇燬順治十八年僧自融重構由北麓再  
行二十里卽天台之羅城岩中寬邃可屯兵路  
極紆嶮仰攻維艱陳汝安周欽貴踞之爲亂詳  
變亂紀

石龍山縣南十里由河埠越渡從管山陟嶺過正  
覺寺有疊石二嶄然如角爪牙備具每迅雷驟  
雨儼然鱗甲欲飛

孟溪山縣西北十里溪流環繞卽杜氏二女成神  
處舊建慈感廟于側宋宣和寇起民保聚其間



寇至見雲霧杳冥草木間旗幟隱々懼不敢犯  
民賴以全

白錫山縣北二十里青圭山之左峯巒色皜如錫  
青圭山縣北行十餘里一名青尖卽紫籜山之趾  
上有峯如圭聳然特秀左右二小峯若輔弼然  
雄據縣治後東北界天台西北連東陽

鳳凰山縣南三里頭翅宛然有翔舞之勢

石鏡山縣南六里卽石壁山也水懸而下斜望炯  
然如鏡

峽山縣東南十五里蒼山之趾下有純熙觀按呂

僊居縣志

卷之二

山川

四

寶琛記云衆峯拱揖列岫迂迴遶展画屏高塞  
翠幄可想此山之勝矣

陽澹山縣南四十里一名陽峯上多沃田登之萬  
山皆伏每早起眺望則上下漠々謂之雲海迨  
日出則露數峯如翠螺隱々聞鷄犬聲蓋仙界  
也

石礪磁山縣南二十五里饒奇石玲瓏可愛有二  
石人呼爲石郎婦

桐林山縣西南五十五里從巉巖山中行二十二  
里若棧道忽豁然人烟相望如讀桃源記居人



多以楮爲業宋張震龍嘗建桐林書院于其側  
婁姥尖山縣西北十里三峯聳立如筆架相傳婁  
氏女仙舉于此故名今山巔猶有廟存俗謂之  
筆架山

盤谷山縣西北一十五里石井之右以盤旋似谷  
故名

西山縣西北二十五里卽張阜山也相傳昔有張  
父隱此訛爲張阜其山高峻不可扳躋每秋雨  
初霽浮雲欲斷蒼翠遙滴城中

靈山縣西南十五里淨梵院之上以禽鳥不棲故

傳居縣志

卷之二

山川

五

名

郭坦山縣西北四十里興化寺在焉久圯 國朝

康熙六年天童密雲師法孫巨源海遙自吳門  
金井寺卓錫其地因重構焉與東陽永康聯界  
上有觀音林梓童峯米山橋半月池諸勝

翠屏山縣西南四十里蒼翠鬱葱每日霽光搖嵐  
氣飛舞若艷裝帳列拱麗一方乃厚仁朝山也  
宋蔣晉有青峯如屏高插天懸崖積翠生雲烟  
之句

臥旗山縣西北四十里峯巒偃伏如旗蓋厚仁坐



山也

西巖山縣西南五十里有寺焉明吳寤齋曾讀書其中奇峯森列內多異跡

草菴山縣西南四十里舊十三都境險峻難升上有石室戶牖至春深霧重樵者隱比聞蕭鼓聲蓋神仙所宅也巨石森聳壁立有蝌蚪篆文晉義熙中周廷尉領郡造飛梯摹之不可識後守阮錄往觀幾及忽爲風雨所迷舊有綠筠亭宋元符令郭三益詩紀其勝

枕海山縣西北五十五里俗傳其趾與海通潭水

僊居縣志

卷之二

山川

六

潮汐相應

金山縣西南五十里山多獼猴舊十三都境俗謂之鶯頸山突起如覆鐘前有鰲脊拱列後有蜂腰雀膝陣旗環繞足稱勝槩

萬竹山縣西南六十里絕頂曰新羅上平曠幽窈九峯廻環道極險隘宋左丞薛昂隱其下有斗起亭僊人浚之勝山麓爲萬安寺廢久 國朝康熙十六年僧雲曇更新之

玉几山縣西南五十里在金山下俗呼爲船岩山北有二潭比之下 崑崙三面臨立名瑤巔瀑每



雨初霽則飛濺如蛭元吳淳詩青天削出玉芙蓉絕頂高平貫彩虹蓋實錄也

白冠山縣西六十里傳昔有仙人戴白冠往來其上又名白鶴山以是山常產之得稱也林谷深邃背接東陽縉雲界其麓卽九都上盧鉄龍坑八都上山應西戴等處每金處二郡寇作入犯輒哨聚出沒其地焚戮奇慘一望十餘壘廬舍山園鞠于茂草四無人聲臨海丞王之夫署邑事劫荒經之爲仰天哭張徽謨呈詩云春風立馬駐山椒剛得寒烟入望遙早知鄭俠圖將獻

儒居縣志

卷之二

山川

七

多恐心酸不忍描時朱之鵬張日奎應昌元張明燧朱之鶚婁茂澄張相謹彭之夔應昌禧張陳堯朱家澤王際榮彭之蟠應慕陶吳植樾蔣在田季其勤楊一鵬皆武韻和之王彙成帙題曰酸心錄作序弁其首

九龍山縣西北六十里有神廟于其巔起伏有九如龍天矯然

一峯山縣西五十五里舊名長条山已麓有壽昌禪院明成化間別駕張成德所建頗稱幽勝

雙魚山縣西南七十里前後二山狀若游魚宋



晉嘗題鯉嶼浮嵐卽此其下有菴名黃堂最爲  
幽寂

東山一在縣西北六十里舊九都境宋林達本所  
隱處內曰芝岩外曰紫岩秀標特起色若丹堊  
有四面八景之奇一在縣西南三十五里濡岩  
之後又一在橫溪之北縣西七十里界

赤城山縣西七十五里舊七都境土石俱赤聳拔  
如霞起上有石室名道院洞壁鐫方志道詩好  
事者繪爲圖焉

凌雲山縣西八十五里舊三都境孤峯插漢蒼翠

隱居縣志

卷之二

山川

八

常浮石屏山卽在其下旁有一巒形似將軍名  
隱將岩

斗峯山縣西南八十里在珠石湖之上山麓有洞  
洞中有石像大士半身亦謂之觀音岩

金峯山縣西南八十五里卽萬竹山巔峯巒次第  
起伏至第九峯金星挺秀蒼翠鬱然

穀堆山縣西南四十五里大小二山並峙如穀之  
堆與臥旗山遙相朝拱

披雲山縣西南五十五里舊十七都境遙望烟雲  
繚繞紛披如畫



枕溪山縣東南十里石牛渡之上以山頭瀕大溪故名

合龍山縣西北五里湯公洞左形似二龍相向中突一灣頗肖戲珠之狀

石倉山縣南十里邑人多採其石糞地故謂之倉  
巒石山縣南十五里新庄山如方石堆聚傳昔有仙人欲造僑巒此故名

小桐山縣東南三十里層崖陡峻烈女湖在其麓  
峯背尖山縣東南三十五里峯巒峻聳上尖如筆  
幘頭山縣東南三十里山勢起伏中峯一突兩旁

僑居縣志

卷之二

山川

九

小山拱列儼若幘頭然

上合山縣東北四十五里彭溪坑之內以山頭會合故名舊謂之彭溪山

晒馬坪山縣東北五十里上合山之上山口一徑狹隘拾級而登其頂坦平廣可數頃林木鬱茂中有古湫蔭漑甚遠與天台界接

項羽山縣東三十五里相傳項羽少時嘗駐馬于此有石跡尙存

馮師山縣西一百里以馮氏女學道于此故名  
雙底山縣西南六十里舊二十六都境與盛旌山



連周圍皆山中寬敞曾屯數萬人

馬鞍山縣西南五十里舊十二都狀甚似之故名  
白岩山縣南五十里楊峯嶺之南舊二十七都境  
與石人姚隣

盧坑山縣東北七十里由三井坑上十二岫嶺進  
重崗複嶺小徑崎嶇行旅罕到

紫岷山縣東北八十里由盧坑山進接天台界

道滂山縣西南一百里舊二十都境由方山周板  
逢上山嶺險隘難行山南卽永嘉界通張溪

鄧山縣西南七十五里舊十九都境由黃山裡湖

儒居縣志

卷之二

山川

十

坪進東與方山周通南接永嘉蓼溪界

梁山縣東南九十里西接大邵東連茅坪其內寬  
廣可以屯兵

紫岩山縣西南七十里舊四都境土石紫色一名  
雞冠岩

嵩山縣西九十五里凌雲山之西一名楊岸嶺孤  
峯高聳壁立千仞與蒼嶺接

白馬山縣西南一百一十里舊二都境由上湖嶺  
官裡山進西接縉雲之越塵界相傳越王勾踐  
避兵過之失白馬于此後爲崇故云



鉄山縣西南一百三十里舊一都境一名陳庄嶺  
由安仁半山進東連黃皮華山南上王坵嶺卽  
永嘉界

官裡山縣西南九十五里在曹官山之裡由上湖  
嶺下沙地進

麻上山縣西南一百三十里舊六都境由景鳳岩  
張山進南接永嘉界

上錦山縣西南一百一十里舊六都境由關鎖坑  
龍潭頭山進南接永嘉之木杓寮界

黃安山縣西北一百一十里舊九都境由瞿溪孔

儒居縣志

卷之二

山川

士

上北接東陽大盤界

八寶山縣西北五十五里舊二十四都郭坦山之  
上西通十五都柘溪坵北接東陽之大盤界

徐山縣西南八十里舊二十都方山周之東南通  
寺基崗永嘉金竹溪徑

楓田山縣南八十里舊三十七都凜旦嶺之南再  
十里卽廟寮

巖

湯公巖縣北五里許大小二洞今僧旭初構爲菴  
幽廠清曠盂水若帶環其前諸峯秀拔拱峙擅



一方之勝明長史張伯厚  
國朝博士王永僕  
錢昌晉暨東甌薛子爵雲間孫任昌新安程琪  
邑明經張明焜朱家法張日奎婁茂澄張相謹  
皆有詩見別選

開口岩縣東三里福應山之南宋趙必昇嘗建上  
蔡書院其下今廢係邑水口最稱關要堪輿者  
謂空建浮屠于巔邑令鄭錄勲常與茂才李芬  
張徽謨朱家澤張之棟王際榮彭之蟠張相維  
王駿蔣在公議爲之會其荒游臻有志未逮云  
戰馬岩縣南十五里岩壁聳立隱々有若披髮騎

響岩縣志

卷之二

山川

七

馬者里人每當元宵則造獅子以勝之亦謂之  
隱將岩中有洞今結爲菴又有透天洞卽所面  
山也

白岩縣南十五里舊二十六都地宋呂逢時隱此  
觀音岩縣西南二十里上有洞頗玲瓏中一石屹  
然如大士像淨瓶鸚鵡儼似琢成

淙水岩縣南三十五里舊二十六都雙溪之南通  
獅子洞界水自層崖奔馳而下噴礴激射響震  
若潮途在其下暑月經此不勝涼沁

響岩縣東南二十五里舊四十都界與新路連其



中空洞莫測岩上人言輒應聲如響

屏風岩縣西八十五里山半沿岩爲徑不數十武有洞傳有神往來自稱石屏山人云

兩將岩縣西南三十八里舊十八都濡岩後雙巒對峙儼若將軍披執拱立

橫障岩縣東四十里龍幻潭之上山徑沿岩橫展峭立如屏幃

景鳳岩縣西南九十里在舊六都關鎖坑中軒翥如鳳前有石如挑似欲啄狀腹下爲洞塑佛像祀之但在窮山人罕跡者明張鍾參題曰朝陽

標居縣志

卷之二 山川

三

洞天張日宣有石隱九苞常向日句頗佳

巧勝岩縣西北七十里徑不容足過此則寬廠雞犬桑麻饒有仙氣宋林達本詩云山僧只怨山生巧殆善繪也

抱兒岩縣西南七十里韋羗山中平地兀突計數十餘丈上有二峯一大一小若抱兒然亦謂之天柱俗傳有蓮瓣從頂飛墮而下

景星岩縣西南五十五里十七都境路幽邃紆折繞二十四盤而上僧行機結茅于此宋吳康肅明李景山常讀書其地明僧石奇 國朝僧



菴應五廣爲營造傍有大望頭望月臺摘星臺  
慶雲臺玉柱峯响岩大小鹿頭印月池龍湫澗  
等景蓋邑中之最勝者順治十三年王廷棟踞  
之爲亂郡帥李必困之二載始敗走今設官兵  
汛防

玉甌岩縣西南四十五里景星岩之麓與西罽寺  
近奇秀插漢圓如玉甌每日夕烟生似炊者旁  
有洞頗奇觀其下爲石盂菴幽曠絕塵俗傳明  
盧侍郎迥爲霍青心建菴側峭石亦呼隱將岩  
釘窻岩縣西北三十里郭岩之上心有坪農者居  
居縣志

卷之二

山川

古

焉傳聞頂上有一大鉄環每風起則响後墮重  
十餘斤蓋昔纜船物也

掛榜岩縣西南五十里崖壁橫亘青紫蔚然如榜  
下爲西明岩有小菴最幽雅

方岩縣東南四十五里朱溪上王境遠望若屏近  
視如蓮怪石奇峯不可名狀其上寬濶平敞有  
田二十四畝旁有五大臺俗傳爲南五臺云宋  
僧雪岩欽禪師開法于茲有窮崖絕壑共舞陽  
春之句元末方國珍踞之明將湯和率師破之  
見其寺鐘聲異遷于金陵今西昌之畔名將軍



云滿山紅葉正登樓蓋善領畧者也

括蒼洞縣東南五十里塵外記稱爲第十洞天與處之玉虛洞通唐天寶七年慶雲覆洞太史奏真氣見台宿詔建宮榜曰成德隱元寶曆中道人葉藏質重修之宋天禧元年賜額擬真宮崇寧二年令蘓敖奏封靈應真人光宗在儲宮書瓊章寶藏四字鎮之理宗賜金星官像蓋僊境也慶雲道士王崇祐撰十天志十卷今無考明張鍾參詩云曇翻貝葉朝凝月霞掩岩扉午亦燈可以識其槩矣

僊居縣志

卷之二

山川

七

紫雲洞卽括蒼洞口之小洞上有石色若紫雲濕雨燥晴占者不爽後漢葛孝先葛元俱煉丹其上井猶存晉羊愔罷峽江尉隱此食青靈芝仙去

楊府洞縣東一十五里在大路傍相傳昔有野狐爲祟吳真人束炬入之經日夜不得其委聞潮鳴乃返塑石將軍以鎮之祟遂寢或曰石乃敬塘之族人避亂隱此

赤岩洞縣南五里在山之半流水下繞每雨發若在山麓雲疾如駛雷鳴似嬰



僊杵洞縣東三十五里在馬舖船岩山之裡洞寬  
十餘丈深四五丈可容數百人中有石碁枰傳  
爲仙人遺跡云

道院洞縣西八十里一名西赤城洞又名蝙蝠洞  
遙吞蒼嶺諸峯頗可登眺今構爲菴詳見赤城  
山

瀉岩洞縣西南四十里東山鄴地每雨初霽時猶  
如練掛所謂西岩瀑卽此傳古有龍潛陳姓者  
以鉄投其洞外之潭龍起田宅盡沒

水僊洞縣西南六十里十一都地內有數潭水從  
仙居縣志

卷之三

山川

六

洞口出每雨霽則噴礫濺沫如銀河飛灑謂之  
仙洞瀑云

戰馬岩洞縣南十五里今結爲菴其詳載戰馬岩  
楊花洞縣西北六十里七都境傳其底深不可測  
與東甌通

水簾洞縣西南六十五里在十七都披雲山之南  
水自頂落散漫若珠簾高掛日光射之玲瓏掩  
映故名旁有石山如覆鐘昔傳僧建樓于上見  
龍現鳴鐘逐之樓遂漂去內有石几刻宋元祐  
年月邑士吳烱築臺居之有今古常垂地晨昏



不上鈎句頗佳

菴源洞縣西七十五里舊六都橫街家後山南有洞其地幽曠不減菴源故名

白岩洞縣西北四十五里葛公岩之左相傳卽葛仙修煉處

嶺

蒼嶺縣西一百里與括蒼山通故名一名風門陡崖複徑險峻爲浙東最宋劉昭禹詩白雲隨步起危徑極天盤得其槩矣上爲南田村水田漠漠每當秋深碧雲紅葉宛若圖回行者應接忘

僊居縣志

卷之二

山川

九

疲焉聯縉雲通永康爲婺括甌閩孔道

古通嶺縣西一百十五里接縉雲堂慈金竹界崎嶇險阻可作砦防禦

黃榆嶺縣西北九十五里舊八都九龍山之上接縉雲磻上

大陳山嶺縣西北九十里舊九都境通八保山與蒼嶺古通黃榆馬踪皆通東陽永康縉雲按諸嶺中俱多隘險可保爲砦接壤不逞之徒輒聚而踞之世爲僊邑患益由地離各縣治甚窵遠輒不及腹入犯則盜回籍則農無從覺察也



柘溪坑嶺縣西北五十里舊十五都境通九都上  
有蘭若里人林評事澤所建設茶灶以濟行旅  
之渴者今廢

峯壘嶺縣西北三十里舊十五都境通二十四都  
郭坦八寶等山

北坑嶺縣西北十五里土山豐厚通白狼大瓠郭  
坦等山

馬踪嶺縣西北十餘里蒼崖陡絕行旅不通昔有  
失馬者踵而追之忽達于婺遂通爲嶺上爲黃  
山瑞岩村有藥包岩斷井坑之勝明嘉靖間婺

儒居縣志

卷之二 山川

二十

人禦倭于此營石爲壘今猶存卽俗所呼風門  
頭是也

後嶺縣北十里許宋時赴郡道經于此

竹家蔡嶺縣北五十里由孟溪山進多竹產筍接  
羅城岩與天台東陽三界之所

十二囅嶺縣東北二十五里由三井坑進山囅其  
有十二故名

東坑嶺縣東北三十五里三井坑之上一名貓兒  
嶺

宋家山嶺縣東北五十里通裡坑嶺



禘坛嶺縣東北六十里通盧坑紫岷

東嶺縣東二里宋令趙幼閻以山坳有風入縣治

建臺障之明令蕭鳴盛雍正石建閣以祀梓潼榜

曰偃松規制頗佳蕭去十年餘猶遺書明經張

日奎張目紅昆弟云貞柏亭尚存乎偃松臺無

恙否其高致可想見矣臺下有木樟木蔭數畝

為亂兵所伐旁發一枝不數年而成圍殆若楊

州蕃釐觀瓊花之異云

三嶺縣東十三里下臨大溪上有路廊為行人憩

息之所

修於縣志

卷之二

山川

三

石姥嶺縣東二十七里即十二嶺也中有廟祠玄

帝前又路廊三楹大溪經其麓錢博士昌晉有

為貪山色停匕久却愛溪光去匕遲之句

界嶺縣東三十七里與臨海白水并舖分界明萬

曆間令湯聘尹構堂以憇賓旅後令汪夢說又

立鄉約所及社倉社學焉今俱廢

月嶺縣東南三十餘里夏閣東

游場嶺縣東南五十里蒼山之趾通臨海石塘界

東坵嶺縣東南五十五里蒼山之趾通臨海石塘

界



楊麻坑嶺縣東南四十五里蒼山之趾通括蒼洞  
岫嵯嶺縣東南七十里蒼山之巔其上寬廣昔曾  
于此屯兵

大垓嶺縣東南四十里舊三十九都由雙廟浮石  
山頭進

護聖嶺縣東南四十餘里寺在其麓

長崗嶺縣東南七十里由護聖寺前行通黃岩壽  
極楊垓山徑狹隘人罕跡者

方山嶺縣東南四十五里與官屋方岩連接

章家垓嶺縣東南七十里與周家岸隔溪對照進

僑居縣志

卷之二

山川

三

茅坪路

茅坪嶺縣東南九十里與黃岩之壽極通由小金  
坑進則隔老鼠梯由周家岸進則隔大溪洪最  
爲險峻

大部嶺縣東南一百里通五部嶺山徑崎嶇嶺南  
接黃岩界

五部嶺縣東南一百五十里與黃岩之寧溪通鳥  
道極天難于扳躋

峽嶺縣南七里爲小峽嶺又名十丈嶺南通峽垓  
明文通公王節齋八歲過此云雙手撥開天



上雲五湖四海堪一望再東南行三里餘卽大  
峽嶺

楊峯嶺縣南四十里普信寺在其巔與板倉山連  
南接三十七都前周北卽峽垵大戰

橫垵嶺縣南五十里舊二十六都境通三十七都  
後塘石六

土姥嶺縣南五十里舊三十七都大洪後周上山  
與大家章連

馬鞍嶺縣南六十里邵衙上山通二十都方山周  
凜亘嶺縣南六十里舊三十七都大家章之南俗

僭居縣志

卷之二 山川

三

名嶺根周與連頭接西通二十都錫下東通三  
十八都溪上項奇岩拱列可觀

梅垵嶺縣南六十五里嶺根周稍東南

雉雞嶺縣南七十里梅垵之前嶺南卽黃岩界東  
通三十八都大邵山頭王

嶺縣南九十里舊三十七都張山下坪楓田  
皆可進

寺基崗嶺縣南一百里廟蔡嶺脚稍西南行崗南  
通永嘉厥孝金竹溪界東通黃岩半山涼棚寧  
溪界繞出五部茅坪之背



上旗嶺縣小南門外十里清口渡之前

長塘嶺縣西南十五里通舊二十二都下湖

徐坎嶺縣西南二十里舊二十三都與觀音岩連

關嶺縣西南三十里南爲張坎通舊十八都徐山

北爲楊坎通舊二十二都延家障隔若關隘然

嶺縣西南三十五里

高雲嶺縣西南四十五里舊二十都境與獅子洞

王坎船岩前後連接

大家嶺縣西南五十里舊二十都田垵潭頭之東

與三十七都石人通

俗居縣志

卷之二

山川

一

徐麓嶺縣西南七十里舊二十都方山周前東南

行通徐山錫下小徑

玗與嶺縣西南五十五里舊十九都境嶺下有岩

慧門寺在其麓

郭坎嶺縣西南五十里舊十八都境嶺畔有石宛

若仙人升座

東村嶺縣西南五十五里舊十七都境與丁山黃

金田山並通十九都黃山界

祝坎嶺縣西南五十里舊十六都境接十七都西

卷山



卜葉嶺縣西南五十五里舊十三都境福延寺在  
其坵嶺半有荷花山峯巒攢簇儼如玉井蓮

火坑嶺縣西南五十里舊十二都境達十三都界  
旁有風穴冬熱夏涼

羅坪嶺縣西南九十里舊十一都萬竹山之前通  
六都上錦山

楊嶺縣西南九十里舊六都景鳳岩之上西接黃  
皮華山

石壁嶺縣西南八十餘里舊六都橫岩之南景鳳  
岩左山嶂峭如壁

僑居縣志 卷之二 山川

三五

上湖嶺縣西南九十里舊三都境俯臨大湖四都  
羅漢潭在其麓

雙坑嶺縣西南一百一十里舊一都境由上湖嶺  
進

安仁嶺縣西南一百二十里舊一都境由雙坑嶺  
進

半山嶺縣西南一百二十五里舊一都境由安仁  
嶺進東行即鉄山

王坵嶺縣西南一百六十里一都鉄山之南脉起  
温界坑山層崖疊嶂綿延于安仁廣福之間嶺



背卽永嘉四十六等都界離永嘉縣遠甚居民  
多獷性與金處二郡爲仙接壤之地俗同彼此  
皆能首亂雖僻隅往也騷動全浙遐不具論卽  
國朝順治戊子至今三十餘年間不時竊發  
或調十一府之兵或動八郡之旅近且遠煩禁  
軍矣肝腦塗地盈城盈野糜費國家金錢數百  
萬計患亦巨云前令章雲龍議欲請于各  
憲會題擇東陽永康縉雲僊居永嘉五縣連  
界處酌其道里之均者另立州縣以鎮壓之庶  
覺察易而奸宄可消教化行而風俗自厚誠端

僊居縣志

卷之二

山川

三

本澄源有裨軍國之大計惜其不果

陳礪頭嶺縣西南一百三十里一都境由半山西  
行

石西嶺縣西南一百四十里一都境由陳礪頭西  
行接縉雲壺山越塵坑口界

三十六岫嶺縣西南一百里舊二都境由方宅嶺  
進山多岫故名西通縉雲越塵峻隘盤曲可作  
砦防禦

方宅嶺縣西南九十五里舊二都境由四都羅坑  
前山進南接三十六岫西通縉雲越塵



交家嶺縣西郊外十里接舊二十三都界上有小  
蘭若康熙十一年建

石

石牛石縣東南十餘里大溪中有石屹然形肖牛  
後雷擊其首諺云石牛在田邑出狀元

卓笏石縣東南城外有二石卓立形如摺珽

后衣石縣南七里前山月落池邊挺生一石如覆  
鐘傳宋謝后袍衣埋此而成

仙人坐石縣西南五十里有石跡宛如人坐一名  
仙人大坐石

儒居縣志

卷之二

山川

三

川

湖

潭

溪

开

池

湖

小西湖縣西二十里下石井地朱丞相吳芾創爲  
游憇之所旁種桃柳建亭館十餘處每風日佳  
美碧波澄以則載酒蕩槳其間今廢已久

木口湖縣南十五里里人呂姓者以捕魚爲業植  
李成林間以絳桃每春二月則燂爛數里遙望  
如雪霽霞明看花者往來如織不減會城之南  
湖云明張大尹壤常製画艇與知名士觴咏其  
中



珠石湖縣西南八十里前八景中珠石湖光是也  
昔傳夜有蚌吐光採寶者取之剖而得珠故名  
俗謂珠珍湖

烈女湖縣東南二十七里舊呼坐狗湖以中有石  
如狗也嘉靖間因顧烈女于此殞軀全節改今  
名明秦鳴雷詩云大節直同天地老芳名不共  
海田枯

相湖縣東二十里昔于湖中得石刻有相湖二字  
宋姜升之詩云半簾修竹翠含雨一鑑澄湖冷  
浸秋句堪不朽

樞居縣志

卷之二

山川

天

黃赤湖縣東南二十里修廣數丈傳昔常有龍出  
現

磬湖縣東二十里傳有磬浮水上光彩奪目故名  
昔岸植菴花遙觀若錦士女多載酒游故其地  
稱爲湖洪園云

深澄湖縣東十五里傳宋開禧初有巨魚長二三  
丈漁者以物縱之乃獲一鱗如盃蓋龍化也

黃湖縣南八里漁者云內有一洞深莫可測旁有  
崖磴竹木之勝

萼湖縣北二里萼生其側故名



坐口湖縣西南七十五里舊四都後溪連通羅漢  
潭

千頭湖縣南二十五里唐黃巢餘黨寇境內有支  
姓盧姓者率里人與戰手刃千級投湖中今訛  
爲山頭湖

潭

放生潭縣東南十里石牛溪下有潭甚深廣魚多  
生聚漁人每資爲利知縣事鄭錄勲嚴禁網捕  
仍鐫放生潭三大字于石由是錦鱗簇比煦沫  
自得僧野曇作偈頌之云濕生原不異胎生何

儒居縣志

卷之二

山川

无

事升沉理未明但得兩忘人我後浪頭千尺莫  
教驚

大雷頭潭縣東北五十五里舊四十四都晒馬坪  
山深處宋乾道九年勅

三井山潭縣東北三十里舊三十都三井坑之上  
東坑嶺脚三井寺側上下爲潭者三窈深莫測  
時發光怪宋令陳襄報雨詩云蘋繁朝荐藻風  
兩夜離山言其應禱之速也

馬祿潭縣北三十里孟溪之上卽杜氏死處上下  
共五潭焉



龍幻潭縣東北四十里船岩山僊杵洞之後傳係  
舊慈安寺址昔有二龍幻爲人至寺僧詰之云  
我二人乃龍也僧求其現形云以翌午爲期戒  
勿鳴鐘至次午果見二龍盤旋廊柱頭角崢嶸  
僧懼撞鐘寺遂漂沒水退見潭其深莫測龍潛  
于中每禱輒應其鐘埋在地曾有人墾鋤誤着  
鐘上鏗然有聲潭水頓汎至今委棄不復敢開  
上合山潭縣東北四十里舊四十四都上合山內  
宋淳熙丞王炳禱于此旣而雷電宵冥見一巨  
物自東北來遂雨遍一邑民獲有秋舊誤爲彭

僊居縣志

卷之二

山川

三

溪潭

老公潭縣北二十里卽孟溪山潭元皇慶間尹曹  
質投虎頭于潭中兩立應焉由此而上則爲山  
王潭孟梳潭桂坑潭馬蓀潭

天井潭縣西南二十里舊二十三都徐垓地潭在  
石岩中其深無底傳昔人造廟秭達于溪蓋源  
通也宋令趙敏趙璧簿趙嗣龍元皇慶中令曹  
質歲旱禱雨各有靈應

張阜沙潭縣西北四十五里舊二十四都境潭在  
山巔禱雨者自石潭以次而升夜憇潭側日則



迎水以歸最著靈異其水之盈涸以海潮之長退爲候宋時勅封篆跡猶存

柘溪潭縣西北六十里舊十五都柘溪坵嶺下有古湫旁生大藤芥之則血濺水亦與潮爲盈縮大珣潭縣東南二十里真正寺之東懸崖飛瀑入莫能近焉

西罨潭縣西南八十里舊十七都境大潭在百丈巖巔亦名百丈潭由西罨寺進徑極紆阻康熙八年夏大旱知縣事鄭錄勲披蓁詣之懸崖陡峭僅通一綫乃芒履扳藤拾級登漸聞潺湲聲

儒居縣志

卷之二

山川

三

比至則猶岩側坎窞也上有石蓋如罨然洞口窅冥莫測其底石上坦平方廣約數丈許遙仰大潭歸迥無階可溯會日暮與庠士李岑席茵露憇見光焰爍々達旦有物蜿蜒自洞出知神所憑遂以淨器迎歸俄焉雷電踵隨甫抵縣大雨如注賴以有秋

紫薇潭縣西南八十里萬竹境上有龍王閣下瞰瀑泉飛流倒洑

曹官山潭縣西南一百里舊二都境與官裡山船岩連接潭在山巔宋淳熙間令蘓光庭禱雨先



夕夢曹姓者手二龍及詣潭果有黃黑蛟與之  
異迎歸兩隨至焉遂砌堂以祀

羅漢潭縣西南八十五里舊四都境在三都上湖  
嶺之麓卽元吳仲修禦寇處

九峯潭縣西南八十五里萬竹山絕頂新羅境內  
米篩潭縣西南一百餘里舊六都龍潭山下口小  
中敞傳有龍潛靈異最著

左右溪潭縣西南九十餘里韋羗山深處

古勝潭縣西南七十里舊二十都姚岸內善音寺  
之西

儒居縣志

卷之二

山川

三

星潭縣南十里石倉山內

河上潭縣東門外二里

井公潭縣東二十里黃橋舖之後

龍坑潭縣東南五十里舊三十九都大坂王之東  
石感潭縣東南蒼山絕頂

溪

大溪縣西南八十里源發永嘉界坑山北流百餘  
里至四都始開廣達郡之三江邑人資鹽爲業  
逆筏而上及于河頭幡灘二埠利賴頗溥

永安溪縣西南一百四十里大小二源傳小源出



馬師山東流百有餘里經縉雲曹村至妃姑與大源會又東流七十里至四都深廣勝二十石筏支流四分入大溪

慈溪縣西一百二十里源出縉雲繞方山大閔南流二十里至赤城山側東流三十里與橫溪合入大溪

安仁溪縣西南一百二十里源發永嘉北流至一都安仁嶺下西繞縉雲翻流三都與仙人溪合東流三十里入大溪旁有侶魚松坡二亭今廢  
哈裏溪縣西一百二十里源出蒼嶺東流五十里

僭居縣志

卷之二 山川

三

與橫溪合入大溪

木溪縣西一百十里一名朱溪源出縉雲繞周觀岩東流四十里至七都溪頭南流十里與橫溪合入大溪

曹溪縣西南一百一十里源出縉雲越塵繞至二都曹店坑東流四十里入大溪

橫溪縣西七十里源出蒼嶺東流入大溪

九郎溪縣西六十里南流十里入大溪

柘溪縣西北四十五里源出東陽繞大陳山坑柘溪垞嶺南流至白岩祠前東流三十里入大溪



宋蔣晉居此有柘溪漁火西岩勝水鯉嶼浮嵐  
翠屏列回葛井仙踪等詩頗佳上爲倒岩殿古  
松百餘層樓壁立掩映于碧雲綠波之間有若  
繪画

韋羗溪縣西四十里源發永嘉北流至十三都淡  
竹坑又北流六十里至白塔前入大溪昔呂思  
襄居此因亂籍沒至今盡荆棘焉

杜蜀溪縣西三十五里俗名杜濁水最窈險  
蓼溪縣西南三十里源出永嘉杉崗北流一百餘  
里至田頭後胡東流十里入大溪明吳刺史炳

儒居縣志

卷之二

山川

三

庶有別墅流水遶廊花木森秀今廢

浮溪縣西二十里俗名樸溪源出縉雲繞古通黃  
榆支分東流至丁埠頭南流十里與蓼溪合入  
大溪宋孟大武詩云樵斧砍雲春谷暗漁榔敲  
月夜溪寒卽此 國朝順治七年居人避寇于  
岸南盡爲水漂

白水溪縣東門外二里源出天台竹山南流一百  
里至福應山前東流入大溪昔有橋以便往來  
久廢里人李士龍造石步以濟今亦圯焉

彭溪縣東北三十里源出天台南流一百餘里至



新庄又十里入大溪

班溪縣東北六十里源出天台竹山南流五十里入大溪

南溪縣西南二十里源出永嘉杉崗北流一百餘里至巉崕山北又十餘里入大溪

雙溪縣南三十里

朱溪縣南五十里

任家溪縣西北五里源發孟溪唐任昉居此

馬嶺溪縣西北六十里源出東陽南流五十里入大溪

儒居縣志

卷之二

山川

三

瞿溪縣西北一百里源出東陽南流六十里入大溪

土瀆溪縣西南七十五里源出四都紫岩山東流三十里入大溪

仙人溪縣西南一百五里源出三都下裡溪東流三十里入大溪

珠母溪縣西南六十里源出永嘉繞萬竹山至岩下山北流五里入大溪

瓜合溪縣南十五里戰馬岩之前

石井溪縣西北十五里



三嶺溪縣東十二里三嶺之下

葉下溪縣東十一里上王亭之右

響岩溪縣東南二十五里響岩之下

井

葛仙井後漢葛元所鑿有二一在括蒼洞一在慶

雲洞

九井縣東南二十五里在隱真宮後漢蔡經故宅

也舊傳汲一而八動今廢

七井宋朱文公所鑿一在鼓樓前一在學宮右一

在縣東巷一在縣南前巷一在官倉巷一在市

僊居縣志

卷之二

山川

美

橋巷一在天井巷

木井廣度寺右昔有巨木歲久根腐泉發其中遂

以爲井淪茗有異香

石井縣西北十五里溪有石岩中有穴天成淵

深如井人取汲而甘焉

王家井城西五通巷明王文通公先代名師厚者

宋時所鑿味甘冷旱不涸可以霍疫因禦呂寇

築于城下乾道九年復開

池

習坎池縣治前宋皇祐元年令陳襄所鑿久塞明



隆慶間令黃議復開立碑以記其事

月落池縣南七里前山宋時郭氏夢月落于池而

女生後為宋理宗后即謝深甫之孫女也

八景 附

南峯鈎艇

東嶺春曉

石龍霖雨

水簾瀑布

景星夜月

景鳳冲霄

麻姑積雪

蒼嶺丹楓